

北京師範大學圖書館藏稀見方志叢刊

二

北京師範大學圖書館 編

北京圖書館出版社

第二冊目錄

〔光緒〕武清縣志……………

〔順治〕蔚州志……………

四一

一

武清縣志卷首

諭旨

康熙三十四年

諭大學士近要兒渡決口及天津以南此二處其相視河
之故道可開河或達之海或達之大河者其識之於十
月間奏聞當遣人往視

雍正七年

上諭據怡親王奏河西務河堤漫開附近之田禾廬舍或
有被淹傷損之處朕心深為軫念戶部速派賢能司官

帶帑銀二千兩前往悉心查勘賑濟務令各沾實惠

乾隆十九年

上諭方觀承奏永定河下口南堰以內武清縣屬之王慶坨東沽港二村其窪處被淹者現有九百四十餘戶此等居民例無賑恤但此次被水較甚可否恩准借給口糧等語堤內居民屢經傳諭該督令其遷移但王慶坨東沽港二村人民稠密且有苫蓋瓦房歷有年所雖不能遷徙亦應有所界限不可再令附村人民佔居河地其猝經被水之戶情堪憫惻著加恩令該督按戶查明

借給米糧以資接濟至堤內零星各戶不過草土房間
原非必不可徒該督務遵前旨逐一查明於此次被水
給予搬移之資令其遷移堤外不得姑息欽此

乾隆三十二年

諭軍機大臣等前因閱視河淀情形見鳳河有斷流之處
於回鑾駐蹕南苑時令查勘上源疏濬以達河流今據
阿里衮等查奏團河下游即為鳳河一畝泉下游即歸
張家灣運河俱應行開挖深通已有旨給發帑金及時
修濬矣但此二河下游皆係地方官應行經理之事聞

其中亦不無淤淺阻塞今上游既議修治而下游若仍聽其淤梗是尾閭不能暢達疏濬水源亦屬無益著傳諭方觀承即派委明習妥員前往查勘

嘉慶十一年

上諭袁行簡奏移駐汛員以重河防一摺據稱永定河南北兩岸嘉慶六年十年俱有新生險工及水刷堤根之處今昔情形實有不同該署督親往履勘原設汛員不足以資照料等語著照所請將下游工平之三角淀屬北堤九工武清縣主簿移駐北岸頭工作為上汛原移

上汛武清縣丞作為中汛原設下汛宛平縣主簿仍
為下汛其北九工汛務即歸於北七八工兩汛分管至
應撥河兵及籌款另建衙署等事並著照例辦理該部
知道摺併發欽此

武清縣志卷首

宸章

聖祖仁皇帝御製詩

察永定河

源從自馬邑溜轉入桑乾
渾流推濁浪平野變河灘
廿載為民害一時奏效難
豈辭宵旰苦須治此河安

看運河建壩處

十月風霜幸潞河
隔林疏葉盡寒柯
岸邊土薄難容水
堤外沙沈易漲波
春末淺夫忙用力
秋深霖雨失時禾

往來躊躇臨淵歎何惜分流建壩多

高宗純皇帝御製詩

過永定河作

取道閼河干浮橋度廣灘汎凌過竹箭水潦未桑乾四
載由來仰尾閼今度看敬繩

仁祖志

永定河自

皇祖時始

賜今名永定異安瀾

乘舟觀永定河下口之作

夜雪忽已收朝露未云斂策馬遵遙堤永定全勢覽下
口欲其暢渾流利泛濫前者歎行牆一綫奚歸坎無已

籌下策讓地稍避險中處徙流移向南聽汝漸乾隆十五年春
開永定河以下口宜略更移今其易於趨下且於流涸
時濬中泓引河而流民占居河中淤地者亦勸導徙就
堤外年來次第修舉下口益暢今來開尾閘三載驚桂
爰取道重開候已三載餘矣
再舍陸命進舟恬波奔淦雖遜洪澤闊微山已不減
蕩漾有餘地巨浸乃澄澹慰茲憂即茲積高車鑒儼補
偏斯不無水逸則豈敢

過武清縣

驅車過雍奴廣甸甚沮洳去歲夏行潦此地被災遽永
定既決堤永定北岸二工因去夏雨水驟漲堤口潰決武清村莊被淹成災較重北運亦

漫淤北運河西岸漫溢武清村莊亦被淹浸因勅大吏
賑幸所見民無菜色且二麥大田普無收曷以卒歲度
廣種可望有收意為稍慰
是用賑濟施更勅勤宣布今來細體察老幼歡夾路庶
幾免流離未免仍慮秋麥亦已茁禾黍云種佈設以
此地論懼雨宜晴煦雖然彼高田甯無望雨處

往閱永定河輿中作

下河南北任遷流永定河自康熙三十七年築堤之始
十九年改由柳全口雍正三年改由王慶坨乾隆十六
年改由冰害草壩二十年改由賀老營三十七年改由
條河頭計前後遷流六度以冰害草壩而論康熙間之
北堤轉為南堤雍正間之南堤轉為北堤以今條河頭

而論凡康熙雍正間之南
北堤又均在河之南矣

雖則傷多導使宣絮矩邱明

別知懼防民之口甚防川

開永定河下口以示表曰修周元理河

七十年間六度移永定河下口初由安瀾復改由柳全

及今之條河頭或即今下口實權宜便徵盈酌虛劑者

北或南凡六徙即今下口實權宜便徵盈酌虛劑者

不過補偏救弊斯燭則扈輿資博採何燭素習河務於

解茲以河南巡撫至天津迎鑾禹之行水在無為委源

即命扈隨閱視下口以資詢訪焉之行水在無為委源

源委勘一再此首尾情初閱頭工二今復視下口於全河

何燭三人由此尋流而上查至頭茲命表曰修周元理

工治河再加講求斟酌具議以聞同事諸人共勛其

觀永定河下口入大清河處

乙亥閱永定熟議移下口永定河自康熙三十七年勅築兩岸堤工由安瀾城入淀
嗣後下口改由柳全口及王慶坨冰害草壩賀老營屢經遷徙總以堤形緊束未能暢洩乾隆二十年親臨閱視將下口移今條河頭南北仍存堤不過遙為守中餘之南入沙家淀下注
五十里蕩漾任其走水散足容沙鳳河清流有以渾會清南入大清河受河下口南北兩堤仍今加高培厚遙散水容沙自此會鳳河而南遂幸此卅年來無大潦為成清流入大清河達津歸海
咎然五十里間長此安窮久近年夏秋雨水調勻未致地歲獲有秋但自乙亥改移下口以來此五十里之外田不免停沙目下固無事數十年後殊乏良策未免永念

也惕然
五字誌惕懷忸怩增自醜

珠源寺

團河本是鳳河源疏醜南流清助渾
團河之源舊稱團里許乾隆四十二年疏濬開拓出南苑牆醜為鳳河內六東南流與永定河合藉以刷滌濁沙由大清河歸海又必有司之惠萬物辨香嘉甌顙垂恩

閘筐兒港河工作

減河制誠善日久注為阮前度命修築今來閘接成港
春流則斷漲夏殺其盈原始宣防意本因一簣盈

又

北運殊南運中泓沙底翻賴斯方貯水以彼少來源北
河底多軟沙筐兒港迤北有數處尤苦淺停蓄必致一
決無餘是以前年過此有人知淺之害未知淺之善及
一弊一夏潦復虞盛漲彼此洩屯功成虧一簣深意視
利顯句名存

開筐兒港減水壩作

導流還濟運

聖訓久昭垂夏備減漲用春來斷港時酌中誠已善籌外
小資治河北運河迤夏秋盛漲時藉筐兒港王家務兩減
處高於引河七八丈以致減水七里海入海舊時壩身出水
方觀承接築十五丈使坦坡漸下以導其勢敢曰